

恭鍊度亡魂仰荷天恩功圓事竟尚慮塵俗
難駐真存伏望玉藥華珠飄零於碧落雲車
風馬迴返於層霄巨下情不勝激切攀戀之
至謹稽首再拜奉送

迴軒頌

焚召十方神王符

恭奉

上帝真符謹召十方飛天神王長生大聖无
量度人君恭望真慈隨機應感潛運慈悲不
忘元始付囑之言一如浮黎法會之日傾光
迴駕監真度生俯同本壇主副大將九天普
度院守雄抱雌大將節衛受度恭飛空步虛
上登天界

宣護送牒 發天門牒

焚命魔前驅符

誦上天度人章

見前亡靈藉紫極之陽光脫幽都之陰暗登
真雲路汎景霄欄天花散漫以前迎綠輿穩
駕神璇鏗鏘而後從綠仗飛驟逍遙徑上於
清虛容與直躋於碧落神朝三素恣混九華

性識兼忘常享太平之運結習都盡永無輪
轉之期與道合具保天有慶好去好去毋忘
帝恩

法師下座

召五方童子送亡靈至橋頭立

謹召朱陵火府引魂登橋大神監橋超度大
神守橋超度升魂五大神遵依帝敕火急引
領亡故恭徑度升天法橋上登碧虛逍遙自
在一如靈寶天尊无上度人律令

焚度橋符

吟偈

天尊慈惠降陽光 變化雲梁耀八方
上接朱陵登帝所 下開黑鬱洞神鄉
紺丹縹緲綃霓映 金紫玲瓏鼓霧張
今日亡靈飛步去 大羅渺渺覲虛皇

引橋度橋

誦三界魔王章

送亡

焚燄

靈寶領教濟度金書卷之一百六

靈寶領教濟度金書卷之一百七同卷 坐五

洞微高士開光救苦真人竅全真授

靈寶通玄弘救水南先生林靈真編

科儀立成品明真齋

傳戒儀

靜默堂序立

華夏引至戒座前

喝座

珠黍空浮煥始青 祥開玉局耀坤靈
我今高躡揚宗軌 接武玄風萬古明

金闕化身天尊

陞座

超度長吟

超度三界難 地獄五苦解 悉歸太上經
靜念稽首禮

初捨上香

此香根過三千枝數五億疑亂氣於瑤鼎散
作祥雲融縹緲於金華飛為甘露遙空供養
元始法玉洞真天寶奉祝
皇帝陛下伏願龜圖地大鳳曆天長榆柳春

閑四郵息控絃之影桑麻雨足三農騰擊壤
之歌鞠青草於園扉靜綠林於方野

二捨上香

此香月窟分精天根胤粹騰紫煙於碧落光
煥陽靈垂綠霧於黃坡祥開陰耀遙伸供養

太上玉晨洞玄靈寶奉祝係薦亡靈伏願千
寃解悟萬罪清夷北鬱升神白簡煥慈雲之
溼南陵度命丹符融慧日之祥絕家訟於家
庭息注殃於孫子

三捨上香

此香三極騰芳五靈委烝耀玉華於地藥翠
焰玲瓏旋金景於天絕玄芝煒燁遙伸供養
道德高尊洞神寶奉祝齋主某伏願東華
錫慶南極增齡七葉連榮萬里快扶搖之運
五枝挺秀九皋和風鶴之鳴敦詩禮於松蘿

耀絃歌於桑梓

請經長吟

請經若飢渴 持志如金石 保子飛仙路
五靈度符籍 具位某重教名香普伸供養

九霄四極五梵十華上聖高真三洞仙宰傳
經敷教立法度人三官五師天曹主執省府
司院飛天神王嶽瀆山川城隍社令虛空證
鑒應感靈祇地水職司無執教衆並願慈悲
有造應化無方綠輦丹輿傾光禁路瓊輪羽

蓋駐景霄衢萬聖翼轅千真扈蹕特降
玉清道烝靈寶妙光洞煥十方開明九壘上
極无上下極无下接引亡故某坐辭黑壤來
詣玄壇聆九戒之玄音證一乘之妙果

平坐吟

道場衆等人各運心平坐如法
我聞龍漢未彰鴻濛未兆自然祖炁回旋太
虛無色無淵溟濛混沌蓋不知經幾萬劫也
及夫元精既判道體斯瀉清炁高澄積陽成
天濁氣混疑積陰成地陽變陰合而人物於
是生矣稟冲和而爲人孕繁烝而爲物號物
爲萬人處一焉人受天地之中以生所以爲
萬物最靈也降衷而有常性秉彝而好懿德
勞我以生則鍊粹餐和周流太極息我以死
則歸根復命返景太无優游去來无入而不

自得易學有三途五苦六洞十宮種種驚駭
怖畏之事哉奈何人偏日滋天和風靡智巧
相勝貪欲自矜遂至逐境迷情背常越法身
爲罪府心作寃都一具放流萬妄呈露三毒
熾則三途攝之五賊昌則五苦攝之六鑿還

則六洞攝之十惡彰則十宮攝之展轉報對
循環終天皆衆生妄業所召自作自受非此
都泉曲故張憲網巧設寃機使生民坐罹痛
惱也况函三並立得一分靈天地初无盈虧
人生奚爲變滅深求其故豈非天命之性莫

能御烝質之性感物而動爲習所遷愈遠愈
趨流蕩忘返不知不覺徑墮迷途豈外物
之欲哉作聖作狂是誠在我善反之則天地
之性存焉譬諸波瀾止水波澄則鬚眉可燭
雲籠秋月雲散則毫髮可鑒倘能檢身內省
克己反觀悟一性之中虛了萬緣之外假則
方寸湛然冲虛妙粹炳煥靈明未嘗不活潑
潑地安有纖芥繫累得以滓吾天倪哉故經
曰夫人神好清而心擾之人心好靜而慾牽
之能遣其慾而心自靜澄其心而神自清神

即性也。慾即情也。稟於天曰性。溺於人曰情。而心則為邪。邪以統之。率性則善。徇性則惡。特顧吾中。為轉移如何耳。人生天地間。如白駒之過隙。忽然而已。眷屬親緣。強名假合。田園宅舍。暫爾受用。寵榮軒冕。夙號備來。來不可禦。去不可止。及夫六如變滅。四大分離。身且不存。生非我有。回思向者。滿前外物。何曾有一干涉。邪其所以虛靈不昧。昭昭然在天地之間者。惟性而已。是性也。人人具足。箇箇圓成。不以智而贏。不以愚而乏。不以生而存。不以死而亡。特患為業所累。如影隨形。如響應聲。膠固纏縛。不能解脫。則昭昭者。昏。曠曠者。污。任其浮沉。不知畔岸。而為異類之趁耳。然皆外燦我也。迷之則生死始悟之。則輪迴息。苟悟矣。則愛河風息。怒海波澄。世諦煙收。業塵雲散。回觀固有之性。靜極光通。達寂照。虛空虛曷。嘗因物而无存哉。亡故藉慈悲之道力。超溟漠之神。卿面禮金容。親承玉敕。宿業洗滌。行御虛无。皆是夙植福基。有茲緣會。正宜回頭猛省。疏剔中病。以自已靈光照自

已。實際內觀。其心無其心。外觀其形。形無其形。遠觀其物。物無其物。三者既悟。惟見於空。觀空亦空空。無所空。所空既无。无亦无。无亦无。无既无。湛然常寂。寂无所寂。清靜光明。如是境界。廓然太虛。同體三毒。何有五蘊。俱空。六因不存。十習悉泯。妄塵既息。輪迴自无。輪迴既无。生滅自己。而吾一性之真。自然與天地同存。亘浩劫不壞。矣若猶未也。猶當奉戒。戒者何。所以防非杜過。檢妄離情也。衆生耽着幻塵。淪泆肌骨。棄真就偽。捨實趨華。如蛾赴燈。如蟻旋磨。置身荆棘叢中。自謂樂意。因念回頭。業力所牽。終歸淪墜。故千萬聖。皆以戒而隄防之。俾免墮邪途。常行正路。洗氣質之情。復天地之性也。藥及琅函。金科玉律。具嚴戒法。條目星羅。今者壇列虛皇。齋崇靈寶。按科宣演。惟當以九真妙戒。為先在。昔清微法王。虛皇教主。因黑靈之請。問發金口之洪音。三際十華。佩服遵奉。今為亡靈。澄淪一心。肅整百神。恭按威儀。至心傳授。先皈依於三寶。次宣示於九真。所宜振礪精神。攝心靜

聽永為道種。歷劫不護。清眾運心。人各恭信。

道經師寶天尊

按人各恭敬

宣告亡靈第一皈依

无上至真道寶

道寶讚

稽首皈依道 大羅元始尊 杳冥開祖劫

混沌立天根 願垂清靜法 開度此亡靈

和往生神仙界

宣告亡靈第二皈依

无上至真經寶

經寶讚

稽首皈依經 真文煥八方 煉金成鳳篆

採玉寫龍章 願開金口演 解悟此亡靈

和往生神仙界

宣告亡靈第三皈依

无上至真師寶

師寶讚

稽首皈依師 慈悲轉法輪 先天傳大教

歷劫度迷津 願施方便力 接引此亡靈

和往生神仙界

大慈說戒天專

北帝頌

善哉元始尊 衆生慈父母 傾光紫微宮

曲映九幽戶 峨峨丘寒庭 迴照廓水浦

奕奕烈火獄 沛然洒法雨 圓通大哀智

常善濟衆苦 拔度長夜魂 今得稽首禮

宣告亡靈第一戒者敬讓孝養父母是名初

真戒

宣告亡靈第二戒者克勤忠於君主是名念

真戒

宣告亡靈第三戒者不殺慈救衆生是名持

真戒

宣告亡靈第四戒者不淫正身處物是名守

真戒

宣告亡靈第五戒者不盜推義損己是名保

真戒

宣告亡靈第六戒者不嗔兇怒凌人是名修

真戒

宣告亡靈第七戒者不詐誣賊害善是名成

真戒

宣告亡靈第八戒者不驕傲恣至真是名得

真戒

宣告亡靈第九戒者不二奉戒專一是名登

真戒

奉戒頌

道爲無心宗 一切作福田 立功無定主

本願各由人 虛已應衆生 注心莫不均

大聖崇至教 亦由兩降天 高陵靡不周

常卑故成淵 海爲百川王 是能舍龍鱗

萬劫保智用 豈但在厥年 奉戒不暫虧

世世善結緣 精思念大乘 會當體道真

九戒宣演萬聖證明真苦海之慈航實昏衢

之慧燭沉疴之良藥亢旱之甘霖惟當誓志

書紳飭身弦佩如護拱壁如獲明珠受持若

奉若師精勤若承父母母即有察命童子護戒

威神五帝考官六宮操吏隨逐鑿映造次不

離道業日隆妄塵自散三官五帝書其功勤

九府四司察其精進自然南宮度命北府削

名遊行太虛絲毫無礙矣慎勿懈怠息心志再

隨苦輪帝澤難逢聖恩不再勉之哉然九戒

科品皆明世諦因緣何也正恐衆生神歸厚

夜莫了生死之關貪戀世塵不能解脫故隨

病鍼砭破其妄想復其正性耳若撥轉向上

機關則未盡之先道本无名未生之前性何

形似性且無有而欲以戒別其真妄豈非執

者邪儒家謂才說性時便已不是性真名言

哉亡靈生前機警死後虛靈宜知九戒之當

修毋以九戒而自縛成性存存當於元極之

真觀之則扶搖清虛長爲種民有不難者矣

以今燭散千枝香殘百和月馨息琳瑯之韻

雲笙收縹緲之音仰企鑿與已回輦輅諸天

復位十極傾光靈儀曲駐几筵伺候鍊度膺

圖御錄保舉昇遷永棄人間高躋天上功德

無盡利益有情法界如如俱圓覺智大衆且

道亡靈聞法受戒後還作麼生

回頭猛省悟前非 從此翻身出化機

一顆玄珠含萬象 圓明虛寂耀秋輝

出堂頌 法師下座

靈寶領教濟度金書卷之一百七